



Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In quâ tractatur de Augustissimo Eucharistiæ Sacramento, ac Sacrificio
Missæ, ...

Bosco, Jean a

Lovanii, 1667

Concl. II. Peccant mortaliter, etiam illi, qui notabili parti Missæ non intersunt. Talis pars est vel sola consecratio, & communio: quamquam qui illis interfuisset, reliqua autem omisisset, non ausim ...

[urn:nbn:de:hbz:466:1-73377](https://nbn-resolving.org/urn:nbn:de:hbz:466:1-73377)

16.
in quo di-
cuntur ab
Episcopis
absolvendi.

Sed trutinemus singula: Dicitur ab Episcopo eiusmodi pueros absolvi posse. Sed numquid à culpa tantum? Quidni, inquis, cum excommunicationis nulla fiat mentio, non enim dicit Pontifex: Pueris, qui in excommunicationem inciderunt, sed: Qui in Canonem inciderunt sententia promulgata; id est, in Canonem, in quo sententia excommunicationis pro adultis promulgata est.

Acutè! Quasi verò Canon sententiæ promulgatæ aliud sit, quàm sententia promulgata. Hæc sunt verba Canonis: Si quis suadente Diabolo huius sacrilegii reatum incurrerit, quod in Clericum vel Monachum violentas manus iniecerit, anathematis vinculo subiaceat. Si puer non subiacet vinculo excommunicationis, quomodo percutiendo Clericum incidit in Canonem illius sententiæ promulgatæ?

Neque enim ibi specialiter prohibetur illa percussio, sed supponitur iure divino prohibita. Vel si prohibetur, quoniam Ecclesia non solet infligere censuram, nisi propter contumacem inobedientiam contra suum præceptum, certè, ut patet, non prohibetur nisi illis, qui excommunicationem incurrere possunt, & de facto incurrunt, si legem Ecclesiæ non observant. Ergo falsum est illud consequens Tamburini: Meritò colligi potest eos ab excommunicatione, licet non à culpa (scilicet contra legem humanam) liberos esse.

17.
Percussio
Clerici non
est culpa re-
servata si
non incur-
ratur ex-
communi-
catio.

Atque gratis admissio quòd liberi non essent à culpa, nonne huiusmodi culpa aliquo iure reservata? Cur ergo solius Episcopi fit mentio specialis, & non simpliciter dicitur, à quolibet Confessario posse absolvi? Nam quod dicit Tamburinus, hoc non negari, verum est de explicita negatione; at verò implicite satis negatur, eo ipso, quo solus Episcopus exprimitur juxta illud commune Theologorum axioma: Exceptio firmat regulam in contrarium.

Profectò si nullam incurrant censuram hi pueri, ut Tamburinus vult, non solum rigor legis, id est, pœna legis temperatur, sed omnino tollitur. Tunc autem verè temperatur, quando quidem subjacent excommunicationi, equidem absolvi possunt ab Episcopo; non obstante secundâ parte Canonis: Si quis suadente, quæ talis est: Et nullus Episcoporum illum presumat absolvere (nisi mortis urgente periculo) donec Apostolico conspectui presentetur, & eius mandatum suscipiat.

18.
Auctores
sententiæ
affirmativæ
immeritò
censurantur
à Tambur.
Thomas Sanchez.
Joan. Sanchez.
Castro Palao.

Atque ita intellexerunt cap. Pueris, supra citatum, Thomas Sanchez in Decal. l. 1. cap. 12. n. 8. Ioannes Sanchez in Sel. disp. 26. n. 18. & Castro Palao de Leg. disp. 1. punct. 24. §. 2. n. 9. Quos proinde immeritò dicit Tamburinus supra n. 15. cursim loca illa legisse, & ideo germanam textus interpretationem non attigisse. Expendamus, inquit ille, prædictos textus; inveniemus enim germanam textus interpretationem, vel à Doctissimis ipsis viris, quando cursim loca leguntur, interdum effu-

gere. Bene dixisti Thoma, sed de teipso; quia verè cursim textum illum legisti.

Sed revertamur ad auditionem Missæ, cuius utriusque obligatio, atque subiectum obligationis, cum ex jam dictis satis constent, quæro ulterius quanta sit hæc obligatio? Respondeo

CONCLUSIO II.

Peccant mortaliter, etiam illi, qui notabili parti Missæ non interfunt. Talis pars est vel sola consecratio vel saltem consecratio, & communio: quamquam qui illis interfuisset, reliqua autem omisisset, non ausim à peccato mortali excusare.

Peccari mortaliter ab illis, qui omittunt totam Missam, etiam sine contemptu, aut consuetudine, nemo dubitat, præter paucos Doctores, qui sine fundamento exilliant nullam legem humanam graviter obligare seculo contemptu, & consuetudine. Contra illos autem disputare non est huius loci: sufficere debet cuilibet prudenti commune iudicium aliorum Doctorum, & sensus omnium fidelium, à quibus sine urgenti ratione non est recedendum; præsertim cum nuperrimè ab Alex. VII. damnata & prohibita sit hæc propositio ut minimum tamquam scandalosa: Frangens ieiunium Ecclesiæ, ad quod tenetur, non peccat mortaliter, nisi ex contemptu vel inobedientia hoc faciat, puta quia non vult se subicere præcepto.

Porro quemadmodum est peccatum mortale omittere, non solum omnes Horas Canonicas, ad quas aliquis obligatur, sed etiam notabilem eorum partem; sic etiam communi calculo Doctorum, & aliorum fidelium, peccatum est mortale omittere notabilem partem Missæ, ad quam integrè audiendam, ut manifestum est ex iuribus Conclusionem præcedenti citatis, obligamur.

Solum hic addo Canonem: Cum ad celebrandas 65. de Consecr. dist. 1. qui delumptus est ex Concil. Aurel. I. cap. 28. Cum ad celebrandas Missas in Dei nomine convenitur, populus non ante discedat, quam Missa solemnitas compleatur, & ubi Episcopus non fuerit, benedictionem Sacerdotis accipiat. Quo tacite innuit solemnitatem non esse completam usque ad benedictionem Sacerdotis, & per illam compleri, cum tunc nondum legeretur Evangelium Sancti Joannis; hodie verò & hoc Evangelium ad integritatem, & solemnitatem Missæ, quamvis solum accidentalem, & ut ita dicam, extrinsecam, pertinet.

Quod ergo hic controvertitur, est, quamnam sit

Quæ sit pars notabilis? Notandum autem partem Missæ aliam esse notabilem quantitate, quæ videlicet continet magnam partem totius illius actionis Missæ secundum quantitatem verborum, & ceremoniarum; aliam verò notabilem dignitate, quæ continet actiones & verba, licet non multa, comparatione tamen Sacrificii maximi momenti. Hoc prænotato

21. An sola consecratio sit pars notabilis? Probatur secunda pars Conclusionis: quia in sola consecratione, saltem in consecratione & communionem consistit tota essentia Sacrificii. Quamvis ergo illæ partes, si materialiter & secundum quantitatem considerentur, parvæ sint, formaliter tamen, & secundum dignitatem sunt omnium gravissimæ. Cumque præcipiatur auditio Missæ eo fine ut audiens simul cum Sacerdote Sacrificium offerat, videtur quoddam illi, qui non interest consecrationi, simpliciter & absolute juxta mentem Ecclesiæ non audiat Missam, hic enim nullo modo consecratur, cum essentia Sacrificii probabilis consistat in sola consecratione.

19. Sententia negativa est probabilis. Equidem, quia finis legis non cadit sub lege, præsertim finis extrinsecus sive legislatoris, & aliunde secundum probabilem multorum opinionem substantia Sacrificii partialiter consistit in sumptione; hinc probabilis existimat Cardinalis Lugo disp. 22. n. 4 (quem sequitur Diana par. 5. tract. 13. resol. 61.) omittit solam consecrationem non esse peccatum mortale: probabile, inquam, saltem ab extrinsecis, propter auctoritatem eorum, qui docent, ut jam jam diximus, substantiam Sacrificii partialiter consistere in sumptione Sacramenti. Unde in praxi poteris amplecti unam vel alteram sententiam.

20. Si tamen abesset, inquit Cardinalis ibidem, consecrationis, & communionis tempore, non satisfacisset præcepto; imò si soli consecrationi, vel soli communioni desit, non debet judicari de illa absentia juxta mensuram temporis, quod illi correspondet; sicut si tanto tempore defuisset, quando legitur Epistola, vel dicuntur v. g. Orationes; non sunt enim homogeneæ partes Missæ, sed multum heterogeneæ, & ideo illud breve tempus consecrationis æquivaleret longiori tempori aliarum partium: sicut ipse Sacerdos magis obligatur ad non omittendam unam Orationem ex Canone, quam quatuor ex Collectis ordinariis.

22. Neque ex his rectè inferitur contrarium tertiæ partis Conclusionis: quippe consecratio & communio tametsi sint partes magis principales quoad significationem, secus tamen quoad quantitatem, ut planum est. Interim si quis per integram horam (contra præscriptum Rubricarum Titulo Ritus servandus Rec. cap. 8. nu. 3. ibi: *Cum dicit*, Memento Domine, elevans & iungens manus usque ad faciem, vel pedes, sic unum manus stat paulisper in quiete) vellet servare Memento, non te-

neor illi tamdiu assistere, sed possum ad alia negotia divertere; exactaque horâ redire, & reliquo Sacrificio usque ad finem interesse.

Ratio in promptu est, quia mora illa impertinens est ad Sacrificium; & sine illa Missa jam integra remanebat; sicut si aliquis per horam ex justa causa interromperet Sacrificium, quis dubitare potest me satisfacere, si utrique parti interruptæ assistam, et si tempore interruptionis ad alia negotia peragenda discedam?

Porrò si à me queritur, quæ præcisè notabilis pars quoad quantitatem? Similiter quæ sit levis pars? Respondeo; pendet à prudenti iudicio, unde nequit certa regula assignari, sed unusquisque iudicat secundum id quod sibi videtur.

Recepta fati sententia est, quod à principio usque ad Evangelium exclusivè, non sit pars notabilis. Aliqui etiam Evangelium includunt, si audiatur Evangelium Sancti Joannis in fine Missæ. Nam hoc Evangelium jam est aliquo modo pars Missæ; ut supra dicebam, & aliunde probabile est non teneri Fideles ad audienda duo Evangelia, neque ad attendendum nisi usque ad dimissionem seu benedictionem; & ideo audiendo postremum Evangelium Sancti Joannis, videtur posse compensari aliud Evangelium in principio omissum, & ita satisfieri præcepto.

Sed numquid etiam satisfacio præcepto, si veniens post lectum primum Evangelium, postea in Sacrificia lego, vel audio à legente, quæ non audivi? Affirmat Sa verb. *Auditio Missæ* n. 2. Citatur etiam Navarrus cap. 21. Man. n. 2. ibi: Et quod legendum per se post Missam partem omisam, saltem quæ non esset notabilis, vel audiendo lectam ab alio, satisfaceret juxta Auctorem Margar. Confess.

Verùm hæc sententia alijs communiter non placet, & merito; nam ut notat Suarez disp. 88. sect. 2. §. *Addit vero Navarrus*: lectio Evangelii extra Missam, neque est pars Missæ, nec facit unum cum illa; nec cadit sub hoc præceptum; unde impertinens est ad implendum illud; nam si quis absque culpa ob impotentiam initium Missæ omittat usque ad Evangelium inclusivè, non teneat postea ex vi hujus præcepti ad legendum Evangelium; non enim est unde hæc obligatio oriatur, nec consuetudo id habet.

Docet ibidem Suarez §. *Secundo sequitur*, & consequenter ad ea, quæ jam dicta sunt, non esse peccatum mortale, si omittantur illa tantum, quæ sunt post communionem usque ad finem: immo quamvis aliquid ex principio, & sine omittatur; v. g. si à principio Epistola usque ad communionem inclusivè, quia Epistola æquivalere censetur Orationibus, quæ post communionem sequuntur.

M m m m Illud

24. Quæ sit pars notabilis quoad quantitatem?

25. An sufficiat quod omisum postea legatur?

26. Si omittantur post communionem dicenda, non graviter peccatur.

19. Sententia negativa est probabilis.
20. Si tamen abesset, inquit Cardinalis ibidem, consecrationis, & communionis tempore, non satisfacisset præcepto; imò si soli consecrationi, vel soli communioni desit, non debet judicari de illa absentia juxta mensuram temporis, quod illi correspondet; sicut si tanto tempore defuisset, quando legitur Epistola, vel dicuntur v. g. Orationes; non sunt enim homogeneæ partes Missæ, sed multum heterogeneæ, & ideo illud breve tempus consecrationis æquivaleret longiori tempori aliarum partium: sicut ipse Sacerdos magis obligatur ad non omittendam unam Orationem ex Canone, quam quatuor ex Collectis ordinariis.
22. Neque ex his rectè inferitur contrarium tertiæ partis Conclusionis: quippe consecratio & communio tametsi sint partes magis principales quoad significationem, secus tamen quoad quantitatem, ut planum est. Interim si quis per integram horam (contra præscriptum Rubricarum Titulo Ritus servandus Rec. cap. 8. nu. 3. ibi: *Cum dicit*, Memento Domine, elevans & iungens manus usque ad faciem, vel pedes, sic unum manus stat paulisper in quiete) vellet servare Memento, non te-

27. Ministri necessarii obsequii intenti, non censentur partes non auditas omittite.

Illud etiam adverterim ex eodem Auctore §. Ex hac certa Conclusionem; eos, qui Missæ interserviunt, quamvis aliquas ejus partes non videantur percipere vel audire, dum per Ecclesiam discurrunt, vel ad Sacrificium accedunt, ut vinum, thus & similia ad Missam necessaria adferant, non tamen propterea esse censendos partem ullam Missæ omittente, sed potius toti assistere, cum toti interserviant, & ad hoc semper intendant.

Quod intelligendum est, dummodò bonâ fide procedant, & mediocrem diligentiam adhibeant, ne plus justo & sine necessitate absint, aut in Sacrificia vel aliis locis immorentur. Nam si Acolythus v.g. dum quærit ignem in culina, velit ibi sumere pontaculum, quis dubitet ipsum tali tempore non assistere iis, quæ leguntur vel cantantur in Choro?

dummodo id bonâ fide faciant.

Debent etiam non reservare in illud tempus earum rerum preparationem, quæ ante Missam præveniri possunt & solent, si tamen contingat hujusmodi ex oblivione vel incuria fuisse omissa, tunc licitum erit ob eam causam abesse, quia omnino expedit ut ad integram Missæ solemnitatem nihil desit: quamquam si oporteret magnam partem Missæ omittente ex accidentali occasione, v.g. si deesset vinum & extra Ecclesiam quærendum esset, tunc teneretur aliam Missam audire, si posset, si autem non posset, excusaretur ratione justæ & debiti ministerii.

28. Omisio etiam minimæ partis sine causa est culpabilis.

Ceterum quamcumque partem, etiam minimam, non omittes sine legitima causa, & sine peccato. Qui enim præcipit integram Missam audire, prohibet aliquid omittente, quod spectat ad ejus integritatem; sicuti qui præcipit recitare totum Officium divinum, consequenter prohibet vel minimam partem omittente.

ex causa excusatur à culpa.

Dixi, *Sine legitima causa*; quia ut bene Suarez supra §. Sed quæres; si quis accedat ad Ecclesiam animo audiendi integram Missam, & casu inveniat aliquam inchoatam in Orationibus, vel Epistola, & illam audiat. Vel si à principio eam audivit, & postea justâ aliquâ ortâ occasione cogitur discedere statim post communionem Sacerdotis, non peccat etiam venialiter, quia illa partialis omisio tunc, non solum est levis, sed etiam est involuntaria & casualis, vel habet sufficientem excusationem: secus esset, si quis sciens & videns nolit ingredi Ecclesiam, donec Epistola dicta sit, animo adimplendi præceptum, reliquum Missæ audiendo: tunc enim semper venialiter peccatur.

29. Quidam putant dari partem tam parvam, ut sine peccato possit omitti.

Nihilominus existimant aliqui partem tam parvam posse esse, ut nullum omnino sit peccatum, etiam voluntariè omittente; quod licet Suariorum ibidem non placeat, videtur tamen conforme communi dicto Theologorum, *In moralibus quod parvum est, pro nihilo*

reputatur; adeoque impræsentiarum per illam omissionem non violaretur in moralis estimatione & reputatione integritas Missæ. Quis enim dixerit non integrè persolvere divinum Officium, qui semel voluntariè omisit *ly Amen*, aut aliquid aliud verbum? Quid si ergo quispiam nolit ingredi Ecclesiam, donec Sacerdos dixerit: *In nomine Patris & Filij & Spiritus Sancti; Introibo ad Altare Dei?* Certè videtur posse excusari ab omni peccato, nisi fieret ex contemptu.

Immo inveniuntur, qui excipiunt Confessionem Sacerdotis, quia putant non esse partem Missæ. Sed falluntur: nam pro tali agnoscitur à Rubricis Titulo Rubricæ Generales cap. 16. in principio, ubi sic habetur: *In Missa privata, clara voce dicuntur, Antiphona & Psalmus ad Introitum, Confessio, & quæ sequuntur &c.* Ergo est vera pars Missæ, sicuti alia quæ ibidem enumerantur, puta *Introitus, Kyrie eleison &c.* Nullibi enim Rubricæ contrarium insinuant, nec est major ratio pro uno, quàm pro alio.

Rogas, an illa minima, quæ omissa sunt, sive culpabiliter, sive inculpabiliter suppleri debeant in alia Missa? Negat Suarez supra, etiam si fieri posset; quia jam præceptum est substantialiter impletum, illeque modus supplendi istum defectum est valde imperfectus, & non multum conducens ad Missæ integritatem; neque res morales sunt adeo rigorosè expendendæ, præsertim quando leviores sunt.

Sed contra: quæro primò; an qui omisit partem non notabilem Horarum Canonicarum, teneatur eam supplere, si commodè possit? Præterea inquirò; an modus supplendi defectum notabilem, sit magis perfectus & multum conducens ad Missæ integritatem? Tertiò rogo; quis sit ille modus supplendi, quem Suarez supra negat necessarium, quando omissa fuit pars non notabilis; affirmat autem §. sequenti necessarium, quando omissa fuit pars notabilis?

Sanè si intelligat auditionem alterius Missæ, consentio illam non esse necessariam, quando omisio non fuit notabilis, quis enim audeat dicere eum, qui omisit unum vel alterum Psalmum ex Matutino, postea debere repetere totum Matutinum? Sin autem intelligat auditionem partis dumtaxat alterius Missæ, quæ in priori omissa fuit, res non caret difficultate. Nam si tali modo potest suppleri defectus substantialis, multo magis accidentalis, ut fatetur ibi Suarez §. Sed tunc inquiri potest. Et si potest, cur non debet?

Nonne in divino Officio tali modo supplatur defectus? Planè, etiam quando involuntariè contigisset, v.g. si quis omisit ex Matutino duos aut tres Psalmos, vel ex obligatione,

vione, vel quia seriùs venit ad divinum Officium. Aut certè si res illæ morales, quia leviores, non debent suppleri, quando commodè possunt, cur primò debeant poni, & non sufficit in illis moralibus ponere substantiam rei?

Videndum ergo an tali modo possit suppleri substantia præcepti, in quo Auctores non conveniunt, aliquibus negantibus, aliis verò affirmantibus. Hæc est nostra sententia:

CONCLUSIO III.

Non satisfacit præcepto audiendi Missam, qui simul audit plures partes diversarum Missarum, fortè nec qui successivè.

Dico signanter, Fortè, quia communiter Auctores, inquit Suarez disp. 88, sect. 2. §. Sed tunc inquiri potest, docent satis esse audire in altera Missa partem omisam in alia, adeò ut licet ex directâ intentione id fiat, censent sufficere ad substantiam præcepti implendam; quamvis si absque causa fiat, peccatum veniale sit propter nonnullam irreverentiam. Ita tenet Major 4. dist. 12. & dist. 45. qu. 2. Soto dist. 13. qu. 2. art. 1. Navarus in Summa cap. 2. t. n. 2. & cap. Quando de Consecratione dist. 1. no. 10 n. 18. & sequentibus, & Recentiores communiter hoc sequuntur. Hucusque Suarez.

Vide Diana part. 2. Tract. 17. Resol. 18. & 5. part. Tract. 14. Resol. 52. qui ultimo loco licait: Non est dubium quòd satisfacit, si priorem partem Missæ priùs audiat, & posteriorem posteriùs. Difficultas est in casu proposito quando priùs ab uno sacerdote audio posteriorem partem, & deinde ab alio priorem, & neminem inveni hoc dubium pertractare, nisi Turrianum in Selectis disp. part. 2. disp. 16. dub. 7.

Mirum profectò virum alioquin copiosissimum in citandis Auctoribus, apud neminem præter Turrianum hoc dubium invenisse, cum omnes qui de hac re tractant illud dubium supponant; loquuntur enim de casu non metaphysico, sive qui rarò evenit, v. g. ut quis auditâ priori parte Missæ ab Ecclesia recedat, & postea audiat posteriorem; sed de casu communissimo, v. g. dum ex negligentia vel inadvertentia, aut certè iusta aliqua causa seriùs venio ad Ecclesiam, & invenio Missam pervenisse ad Offertorium, aut Consecrationem, & in illo casu docent plurimi, quos citat & sequitur Dicastillo disp. 5. n. 39. sufficere ad substantiam præcepti implendam, audire in Missa sequenti, partem omisam in præcedenti.

Fundamentum illorum Auctorum est: quia præceptum solum obligat ad audiendam totam Missam, non verò quòd ab uno sacerdote continenter audiatur; hoc enim non habetur in verbis Legis, ut patet in citatis iuribus; sed qui ab uno sacerdote audit Missam unam ab Offertorio v. g. vel Consecratione; ab alio verò audit aliam à principio usque ad Offertorium vel Consecrationem, reverà audit totam Missam, licet non ab uno sacerdote: ergo implet præceptum. Ita Suarius. Et prosequitur:

Dices, illum non audire Missam debito ordine, cum priùs posteriorem partem, postea priorem audiat (ecce casum, quem Diana non invenit pertractare nisi Turrianum) at verò in dicto capite Missæ (quod vide conclus. 1.) signatim præcipitur, ut speciali ordine audiat. Quòd si dicas, saltem posse è contrario fieri, ut priùs pars prior Missæ, & deinde posterior audiatur: contra hoc est; quia saltem jam illa sententia non erit in universum vera: & deinde etiam in prædicto casu, non videtur servari debitus ordo Missæ, quandoquidem non continuè, nec per modum unius integri Officii Sacri auditur.

Sed ad hoc facilè respondent Adversarii; ordinem partium non spectare ad substantiam præcepti, adeoque inversionem ordinis præcisè non sufficere ad inducendum peccatum mortale, Probant à simili in Horis Canonis; nam qui privatim recitaret priùs Laudes, quàm Matutinum, priùs Vesperas, quàm Primam, & sic consequenter non peccaret mortaliter propter præcisam inversionem ordinis; quia adhuc legeret totum & integrum Officium. Neque magnam vim habent illa verba textus: Missæ audire speciali ordine præcipimus, quia illud verbum, speciali ordine, non videtur contruendum cum verbo, Audire; sed cum verbo, Præcipimus, ut sensus sit: Speciali ordinatione seu lege præcipimus Missas audire.

Ideo Suarius supra fundat contrariam sententiam (quàm ipse amplectitur cum aliis, quos citat, & sequitur Cardinalis Lugo disp. 22. nu. 8.) in alio verbo ejusdem textus, scilicet, Missas totas, adjunctâ & morali & physicâ ratione: quia totum, inquit, propriè non significat partes disjunctas & quovis modo aggregatas, sed unitas & debito ordine conjunctas, maximè si totum artificiale sit; sed illæ duæ partes Missæ sunt disjunctæ & divisæ, nec debito ordine & modo conjunguntur ad unam Missam componendam: ergo audire illas duas partes non est audire Missam, vel totam Missam.

Et confirmatur; nam hæc ratione, si unus sacerdos nunc consecraret Corpus, & post horam consecraret Sanguinem, factâ interruptione morali; v. g. exuendo se vestibus sacris,

M m m 2

33. Fundamentum sententia affirmativa.

34. Obiectio.

Responsio.

35. Probatur sententia negativa Suarez, Lugo.

& confirmatur.

32. An possit suppleri defectus substantialis in alia Missa? Suarez.

Major. Sotus. Navarrus.

Diana.

Turrianus.

31. ex necessitate suppleti potest.

& confirmatur.